

德新報

MG
I226
130
2:2



3 1795 6638 9

德新報

豫波著 五月份發行處青石橋金元長燒房

豫誠堂家訓云，實踐乃爲誠意，自言靜養功深，而處處被人指摘，大不能欺，小不能欺，故不必問聖賢，且先問心。

人生不過衣食耳，何苦貪心罪孽隨，一點寒燈明復暗，只愁半夜問心時。

兩眼看明生死路，一心抱定是非權，欺人欺己終何益，忘却光陰數十年。

行事已將天理錯，自家心事自家知，任君巧用欺人術，尚有青天不可欺。

戒巧

我本直拙一個人，人人笑我不會巧，不冷不餓到而今，居然七十有餘了，巧拙同此數十年，秋風一樣埋荒草，有時天怒不能容，人巧那知天更巧，有時巧拙兩相爭，那知冥王暗記早，語甜如蜜軟相欺，乘人之危忍而狡，豈知凡事有定數，虎豹螻蟻無大小，得了三分去五分，自有天知人不曉，何苦枉自壞良心，暗中罪惡堆多少，山因厚重人難移，花因輕薄風易掃，聰明用盡子孫愚，而況本身未必老，便老也是狡猾人，人都避你那些好，魂繫陰司豈能逃，問君此時如何巧。



八機歌

盡孝是真機 天倫多樂地 讀書引善機 好好教子弟 戒淫止動機 堅忍一時事
放生養牛機 天與你和氣 讓人免殺機 暗中禍消去 貪財是禍機 慾火焚身至
害人壞心機 報應安能避 勸善本天機 言語多真趣 善惡影隨形 認清兩個字
好人大喜歡 順理行之易

及時善轉歌

人心如斗極，天樞妙轉移，心轉氣自轉，心移氣自移，善心致和氣，惡念動殺機，
隨處皆惡氣，天心爲之悲，如病積成弱，如水衝壞堤，眼孔腥風出，心田血雨
飛，大劫人自造，自造將怪誰，只言巧更巧，豈知危乎危，同把良心轉，悔禍須
及時，身心各自保，神天不可欺，有福須同享，有病自家醫，和光多善氣，太平
春自回。

戒貪歌

千古此貪泉，一身甘失墜，乾坤旭日升，人心海水沸，（音廢）峨峨金銀山，日夜苦

相對，毒烟挾火來，直射我胸胃，烈火引自焚，熱湯探不畏，營營飛如蠅，紛紛集如蝟，得閒似神仙，尋苦變魑魅，心力日消磨，精神日憔悴，自促我生機，非天降之罪，人生行樂耳，辛苦何所謂，炎炎富貴場，豈可置我輩，三間老屋中，古人通寤寐，既不脅我肩，何必相君背，花鳥笑相迎，竹松自成隊，時開日月窗，高臥天地位，進退能自知，俯仰皆無愧，淡泊養吾心，靜裏尋真味。

余嘗與人言女學，謂新知識不可無，舊道德必須有，舊道德者，死生榮辱之關頭也，其時即有謂余腦筋太舊者，甚至退有後言，目爲腐敗，余亦聽之，偶與友人談及此事，友人代爲之怒，余又曰無庸，昨日同友人觀電戲，戲名夜來香，備言女子被人欺騙，如何誤上人車，如何誤入人室，如何誤食人食，窮形盡相，演成一篇傷心慘目之文章，令人不忍卒讀，所言三誤，皆舊禮教之所必分，同此心理，此中得失，豈有新舊之分，友人謂余曰，此卽新世之作品也，何爲而出此，余曰父母兒女之心，人皆有之，爲此傳演者，亦以耳聞目見者多，實有不忍不言，不能不言者，乃爲此夜雨之悲號，春雷之震動，使天下人爲之凜然，是誠有功名

教之作，在作者具一片苦心，余則爲之五體投地矣，昔人云讀武侯出師表而不墮淚者，不可爲忠臣，吾謂觀電戲夜來香而不驚心者，不可爲賢婦，一失足成千古恨，豈以爲細事，故謂余爲腐敗者，無害於我之一身，以余之言爲腐敗者，實足以害天下人也，可不痛哉，可不懼哉，附之以詩。

世人紛紛言新學，試問無學何以新，學者守身重如玉，泰山喬嶽女兒身，凡事防患於未然，禮爲之防慎其先，自由之權在何處，爲人侮辱向誰訴，平時自言智識周，被人欺騙復何尤，虎豹猶難逃陷阱，網羅況是燕鶯柔，書香雖好都成臭，硯水輕浮不洗羞，今人手比昔人辣，如何輕身足亂投，定力堅持爭頃刻，須知覆水不能收，昔日良言徒苦口，可憐今夕一燈愁，君不見古人女學名獨彰，文章道德兼其長，自墮污泥在溝洫，安能雲漢爲天章。

勸世歌

田家樂，味最真，子孫懶惰漸凶橫，可憐家業一時傾，更須仁心愛物命，鳥巢人屋有同情，鳥鎗不是傳家物，折爾衣祿害子孫。

勸爾工商善經營，爭利害人如殺人，人生誰不愛家庭，善惡報應最分明，登山涉水便心驚，總要問良心。

讀書人，心殺人，口殺人，筆殺人，暗中常帶血風腥，罪大惡極逞才能，聰明悞盡爾平生，大生美才原有用，辜負上天心。

人生天地間，一氣爲轉軸，善惡二氣感最速，道路哀聲不忍聞，家庭禍機已先伏，以殺招殺誰能逃，天心待人無厚薄，勸爾長官休殘酷。

殺氣彌天日月昏，春風吹不到侯門，旌旗四面飛揚處，何不回頭看子孫，父母妻子都一樣，還將自己比他人。

近事偶成

今古人天原有數，死生都在氣機中，及時爲善多行樂，世事浮雲要看空。

驕傲難容道德林，聖賢虛己見胸襟，始由自恃終成忍，私念如何可養心。

我佛去嗔還去愛，自家警覺自推開，勸君凡事休沾滯，最善都從最愛來。

先祖書先賢語錄，心凝神往，意到筆隨，想見當年一堂講學，春風譔然，太平天

字，不可得矣，余生也晚，不逮事先祖，聞之先伯先父言，其時門人皆循循守禮，不敢自是，可見師弟相愛之深，相勉之切，聖且不自聖，而況學者，今之動言靜功深造者，是何人乎，是何說乎，亦良可歎耳。

觀音歌

觀音之心海量宏，萬派水流歸海中，熙熙品物涵融處，綠波照人生春風。
觀音之身妙莫名，隨處度人多化身，蓮花之峯高萬丈，俯首其下千萬人。
觀音之手援天下，運之掌上功力大，人從苦海盡提攜，萬朵雲花迎法駕。
觀音之眼氣常清，放開慈眼視衆生，億萬衆生歸眼底，一輪紅日海天晴。

偶成

無風閒宿鳥，有月照潛魚，魚鳥猶知止，還他定靜初，營營終日苦，人事竟何如。

一夢歌

人生如夢裏，一夢成古今，死生雖難料，同此數十春，及時爲善好，也纔不虛生，平安而飽煖，一般樂可行，致祥在和氣，危險出貪爭，苦樂皆自取，天地亦何心，小人顛倒態，君子坦蕩情，匡牀能睡穩，自覺風月新。

0
172334

